



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Thomæ A Kempis Canonici Regvlaris Ord. S. Avgvstini De
Imitatione Christi Libri Qvatvor**

Thomas <von Kempen>

Antverpiæ, 1617

Cap. V. De mirabili effectu diuini amoris.

[urn:nbn:de:hbz:466:1-45760](#)

riositatē, me eis aduersante, labuntur.

¶ 4 Time iudicia Dei, expauesce irām omnipotentis. Noli autem discutere opera Altissimi, sed tuas iniquitates perscrutare, in quantis deliquisti, & quām multa bona neglexisti. Quidam solum portant suām deuotionem in libris, quidam in imaginib⁹, quidam autem in signis exteriorib⁹ & figuris. Quidam habent me in ore, sed modicum est in corde. Sunt alij, qui intellectu illuminati & affectu purgati, ad æterna semper anhelant: de terrenis grauiiter audiunt, necessitatibus naturæ dolenter inseruiunt: & hi sentiunt, quid spiritus veritatis loquitur in eis. Quia docet eos terrena despiciere, & amare cœlestia: mundum negligere, & cœlum tota die ac nocte desiderare.

*Iſai 29.**Pſal. 24.**Pſal. 1.*

CAP. V.

De mirabili effectu dimini amoris.

BENEDICO te pater cœlestis, pater Domini mei Iesu Christi, quia mei pauperis dignatus es recordari.

O pater misericordiarum, & Deus *2. Cor. 1*
totius

totius consolationis, gratias tibi, qui
me indignum omni cōsolatione, quan-
doque tua recreas consolatione. Be-
nedico te semper & glorifico, cum
vnigenito Filio tuo & Spiritu sancto
paraclito in sēcula sēculorum. Eia
Domine Deus amator sancte meus,
cūm tu veneris in cor meum, exulta-
bunt omnia interiora mea. Tu es glo-
ria mea & exultatio cordis mei. Tu
spes mea & refugium meum, in die
tribulationis meæ,

Psal. 32.
Psal. 31

2 Sed quia adhuc debilis sum in
amore, & imperfectus in virtute; ideo
necessè habeo à te confortari & con-
solari: propterea visita me sapiùs, &
instrue disciplinis sanctis. Libera me
à passionibus malis, & sana cor meum,
ab omnibus affectionibus inordina-
tis: ut intus sanatus & bene purgat-
tus, aptus efficiar ad amandum, for-
tis ad patiendum, stabilis ad perseue-
randum.

3 Magna res est amor, magnum om-
nino bonum: quod solum leue facit
omne onerosum, & fecit æqualiter
omne inæquale. Nam onus sine oner-
e reportat, & omne amarum dulce ac
sapi-

Mat. 11

sapidum efficit. Amor Iesu nobilis, ad magna operanda impellit, & ad desideranda semper perfectiora excitat. Amor vult esse sursum, nec ullis infimis rebus retineri. Amor vult esse liber, & ab omni mundana affectione alienus, ne internus eius impediatur aspectus: ne per aliquod commodium temporale implicationes sustineat, aut per incommodum succumbat. Nihil dulcius est amore, nihil fortius, nihil altius, nihil latius, nihil iucundius, nihil plenius nec melius in caelo & in terra: quia amor ex Deo natus est, nec potest, nisi in Deo, super omnia creata quiescere.

4 Amans volat, currit, & lætatur; liber est, & non tenetur. Dat omnia pro omnibus, & habet omnia in omnibus; quia in uno summo super omnia quiescit, ex quo omne bonum fluit & procedit. Non respicit ad dona, sed a donantem se conuertit super omnia bona. Amor modum sæpè nescit, sed super omnem modum feruescit. Amor onus non sentit, labores non reputat; plus affectat, quam valet: de im-

impossibilitate non causatur , quia cuncta sibi posse & licere arbitratur. Valet igitur ad omnia , & multa implet , & effectui mancipat , vbi non amans deficit & iacet.

om. 8.

5 Amor vigilat , & dormiens non dormitat. Fatigatus , non lassatur : arctatus , non coarctatur : territus , non conturbatur : sed sicut viuax flamma & ardens facula , sursum erumpit , se cureque pertransit. Si quis amat , nouit , quid hæc vox clamet. Magnus clamor in auribus Dei est , ipse ardens affectus animæ , quæ dicit: Deus meus , amor meus : tu totus meus , & ego totus tuus.

6 Dilata me in amore , vt discam interiori cordis ore degustare , quām suave sit amare , & in amore liquefieri & natare. Teneat amore , vadens supra me , præ nimio feroce & stupore. Canteam amoris canticum , sequar te dilectum meum in altum , deficiat in laude tua anima mea , iubilans ex amore. Amem te , plusquam me , nec me , nisi propter te : & omnes in te , qui verè amant te , sicut iubet lex amoris lucens ex te.

7 Est

7 Est amor velox, sincerus, pius, iu- 1. Cor.
cundus & amoenus: fortis, patiens,^{13.}
fidelis, prudens, longanimis, virilis, &
seipsum numquam querens. Vbi enim
seipsum aliquis querit, ibi ab amore
cadit. Est amor circumspectus, hu- 1. Cor.
milis & rectus: non mollis, non leuis,^{10.}
nec vanis intendens rebus; sobrius,
castus, stabilis, quietus, & in cunctis
sensibus custoditus. Est amor subie-
ctus, & obediens prælatis, sibi vilis &
despectus, Deo deuotus & gratificus,
fidens & sperans semper in eo, etiam
cum sibi non sapit Deus: quia sine
dolore, non viuitur in amore.

8 Qui non est paratus omnia pati,
& ad voluntatem stare dilecti, non
est dignus amator appellari. Opor- Rom. 8.
ter amantem, omnia dura & ama-
ra, propter dilectum libenter ample-
cti; nec ob contraria accidentia, ab
eo deflecti.

CAP. VI.

De probatione veri amatoris.

1 Fili, non es adhuc fortis & prudēs
amator. Quare Domine? Quia
propter